



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

In Festo Circumcisionis Domini.

[urn:nbn:de:hbz:466:1-51763](#)

JANUARIUS.
IN CIRCUMCISIONE DOMINI.
CONCIO PRIMA.

Textus.

Vocatum est Nomen ejus JESUS.

Thema.

De cultu, & reverentia, quæ convenit Sacratissimo nomini JESU.

Exordium.

Egius Psalmista Psalmō 148. excellentiam Sacratissimi nominis JESU decantat: *Reges terre, & omnes populi, Principes, & omnes Judices terrae, laudent nomen Domini, quia exaltatum est nomen ejus solius.* Idem in nova lege depraedicat Sanctus Paulus ad Philipenses cap. 2. *Dedit ei nomen, quod est super omne nomen, ut in nomine JESU omne genu flectatur, cœlestium, terrestrium, & inferorum, & omnis lingua confiteatur: quoniam Dominus JESUS CHRISTUS in gloria est Dei Patrus.* Citatum textum explicant Cornelius à Lapide, & Tirinus in hunc locum: *Cœlestium; id est eorum, qui in cœlū sunt, puta Angelorum, hominumque beatorum, terrestrium, id est, hominum, qui in terra degunt, & inferorum, puta eorum, qui expiantur in Purgatorio, & eorum, qui damnati sunt in inferno, sive homines sint, sive Demones.* Ita Cornelius: *Omnis ei exhibeat reverentiam Angeli, homines, & demones,* ita Tirinus. Hinc S. Paulus epistola 1. ad Corinth. cap. 12. fatetur: *Nemo potest dicere Dominus JESUS, nisi in Spiritu Sancto:* id est: *invocare uti oportet, seu proficue ad salutem, nisi per gratiam Spiritus sancti.* inquit Tirinus in hunc locum. Audiantur Ecclesie Scriptores: *Talis Reverentia congruit Nomi JESU,* ut nemo possit hoc non esse dicere, id est, invocare uti oportet, seu proficue ad salutem, nisi in Spiritu Sancto, id est, per gratiam Spiritus Sancti. scribit doctissimus Lyranus in 1. epistolam ad Corinth. cap. 12. *Vocabulum JESU gloriosum, omni adoratu, & cultu appellari debet.* Origenes hom. 14. in cap. 2. Lucr.

Patres:

Lyranus.

Origenes.

*Non est nomen, quod cœlestia, terrena, & inferna venerentur certi-
nūa; nisi nomen JESUS, adeo ut, si fieri possit, Deus ipse veneraretur
nomen ejus. ita Paulus de Palatio in cap. 1. Matthæi. O pondus ^{Paulus de} Palatio,
nominis JESU! quis appendere, quis dinumerare, quis estimare va-
leat hoc nomen in pondere, nunquam sine pondere nominandus est
JESUS. exclamat Perrus Cellensis lib. 2. cap. 4. Quod Paulus ^{Petrus Cellen-}
dixit de pane divino, probet autem se ipsum homo, & sic de pane ^{fr.}
illo edat, & de calice bibat, hoc idem videtur sentire Paulus, cum
ab aliquo sumitur proferendum hoc nomen JESUS, & antequam Sileceus
proferat pro re aliqua impetranda, quæ vires naturæ excedat, pro-
bet se ipsum, hoc est: probabiliter credat, se esse in gratiâ. Sileceus
lib. de nomine JESU. Expressius scribit Episcopus Monopol. Tom. 4.
Epit. Sanct. serm. ordinatum à summis Pontificibus est: Assumen-
dam est nomen DEI et reverentia, quâ sacrâ communio. Defu-
per Conceptus dabo.*

CONCEPTUS I.

*Qui primus inter creaturas hoc sacratissimum nomen JESUS
nominavit, fuit Archangelus Gabriel; creatura, quæ omnium
primo hoc nomen JESUS audivit nominari, est B. V. MARIA: Ita
Lucæ cap. 1. invenire est: Et ait Angelus ei; Ecce concipies
in utero, & paries filium, & vocabis nomen ejus JESUM. Notate
hoc: E. coelis summus DEI minister Archangelus Gabriel est, qui
primo hoc nomen JESUS locutus est, est in terra inter mortales
electissima & Princeps, quæ nomen JESUS vocari audivit; sicut as-
seruit & Petrus Damiani serm. de Nativit. Omnes quippe Prophetæ
aut nescierunt, aut penitus tacuerunt, & reservata est prærogati-
va dignitatis Angelo Gabrieli, qui Sancto ore suo Sanctissime Vir-
gini illud primo evolvit. Cur Deus voluit, ut omnium primo no-
men JESU ab Angelo pronunciaretur, à B. V. MARIA audiretur?
non erravero, si dixerim ob reverentiam, ob honorem, qui huic no-
mini Jesu convenit, quem honorem, ac reverentiam, è cœlesti
curia Archangelus quam maxime novit, virgo sacratissima Spiritu*

O 3

Sancto

Sancto plena, optimè didicit. Pro Angelica natura perorat Origenes, & Gerson: *Vocabulum IESU gloriosum, omni adoratu, cultuque dignum, ab hominibus appellari non debuit, sed ab excellentiori quadam, majorique natura, ita Origenes hom. 14. in Lucam. Et hoc non fortuito, sed ex supreme Trinitatis consilio, ita Gerson. 1. parte de Circumcis. Pro intemera ta Virgine perorat Philippus Abbas, Bonæ spei: lib. 1. in Cant. cap. 9. Et quis hoc nomen vel intellectu ve- rius, vel amavit sincerius, vel convenientius prædicavit, quam ipsa Virgo Mater, cui primò Angelus nunciavit?*

CONCEPTUS II.

S. Joannes cap. 18. refert, super caput Salvatoris in cruce Judæos titulum affixisse: *I E S U S Nazarenus, &c.* Signanter Joannes notat: *Et erat scriptum Hebraicè, Græcè, & Latinè,* Lucas cap. 23. habet: *Erat autem, & superscriptio scripta super eum, litteris graecis, & latinis, & hebraicis.* Cur ordinavit Deus, ut recte his tribus linguis sacrum nomen scriberetur? Notate: In terra dari linguas notum est, ex S. Paulo disco, & in cœlo dari linguam: 1. ad Corinth. cap. 13. *Si linguis hominum loquar, aut Angelorum.* Illa lingua Angelorum quis dubitat quin sancta sit; qualis ergo est illa lingua coeli, & Angelorum? Respondet quidam Author, gemma animæ lib. 3. cap. 45. *Per Hebream Linguam, Angelorum exprimum.* Græcam & latinam linguam, linguas hominum, sacras esse linguas Ecclesia definit. Lingua coeli, Angelica hebraica, & sancta, lingua humana græca & latina, etiam sancta, sacratissimum nomen IESU scribi super Crucem Deus ordinavit, in reverentiam, cultum, & respectum sanctissimi nominis IESU, nobisque in documentum nomen IESU non nisi sanctissimis labiis, sancta lingua, & voce pronunciandum esse, summè nempè venerandum, & colendum; quod & Moyse docuit Deus,

CONCEPTUS III.

Exodi cap. 6. viderat Moyses Rubum ardente non consumi; dissi ergo; vadam, & videbo visionem hanc, cum jam proximior ardenti rubo

Rubo fieret, audivit vocem de rubo: *Solve calceamenta de pedibus tuis.* Cur queso Mōȳsē denudet peles? scitote apud Populos Orientis, solvere calceamenta de pedibus, reverentiam signare, sic Turcæ intrantes Mōs̄heim, calceamenta de pedibus deponunt, nudipedes ingrediuntur, ibique consistunt, Reverentiam ergo tacitè Deus Mōysē edocet, dum calceamenta de pedibus solvere jubet. Sed ad quem siue ea reverentia? De nomine Dei oritura erat quæstio, *Tu quis es?* Nomen Dei, quod Altissimus Mōysi promulgaverat, nominandum erat Mōysi; jubet ergo Deus, Mōysē prius solvavit calceamenta de pedibus, ad reverentiam, cultum, & venerationem se præparet, corpus & animum adaptet. Discamus ex hinc nomen Dei JESUS, non tam candida mente, voce sancta, sed & corpore undequaque ad reverentiam composito, caput inclinando, corpus curvando, genua flectendo; vocare, & nominare.

CONCEPTUS IV.

Paulum in mortali carne cœlum sursum divina virtute raptum esse ipse testatur 2. ad Corinth. cap. 12. *Sic hominem raptum usque ad terrum cœlum, &c. & audire arcana verba, que non licet homini loqui,* desuper S. Ambrosius serm. 11. *Aduic Paulus in terris positus jam in regni cœlestis substantiam transformabatur.* Majora addit S. Bruno de laudibus Eccl. cap. 24. *Vis videre Cherubim, respice Paulum.* Quis dicet causam, cur Paulus adhuc mortali carne circumdatus, corpore in cœlum raptus, in Angelum, Cherub quendam transformatus est? causa patebit ex Aëcis Apostolorum cap. 9. Elegit Deus Paulum, qui nomen JESUS gentibus deprædicaret: *Vas electionis est mihi iste, ut portet nomen meum coram gentibus, & Regibus, & filiis Israël.* Paulus ergo, ut potè vas electionis futurus, in quo nomen JESUS per totum terrarum orbem deportaretur, prius coeli civis, Angelus quidam fieri debuit, in respectum reverentiam, cultum & honorem sanctissimi nominis JESU, quod gloriosum nomen, nonnisi in glorioso vase erat colleendum, & deportandum.

CONCEPTUS V.

Nato divino infantulo in stabulo Bethlemitico, vigilantes Pastores de hoc certiores facti, ad illum celeri cursu venerunt: *Pastores loquebantur.*

quebantur ad invicem, transeamus usque Bethlem, & videamus
hoc Verbum, quod factum est, quod fecit Dominus, & ostendit nobis,
& venerunt festinantes, & invenerunt Mariam, & Joseph, & in-
fantem positum in praesepio, &c. Lucae cap. 2. Non legitur, quod
nato infantulo reverentiam ficerint, aut insigniter honoraverint;
econtra tres Reges Orientis, ubi ad stabulum pervenerunt, subito
in genua coram infante prostrati, adoraverunt, mente, & corpore
honorarunt. *Procidentes, adoraverunt eum*, Matth. cap. 2. Quid
Mysterii hic latet? quod Magi ex Oriente, potentes licet sint Re-
ges, & Principes, nihilominus summa reverentia, cultu & honore
insigni, puerulum in stabulo reverentur? Pastores econtra licet vi-
les homunciones, speciali reverentia Christum honorasse non no-
tentur? observe; dum Pastores advenerant ad præsepe & sta-
bulum, nondum puerulus sanctissimo nomine IESUS insignitus erat,
dum vero tres Reges advenissent, puerulus jam circumcisus, *voca-
tum est nomen ejus IESUS*. Procidentes ergo adoraverunt, honora-
runt, JESUM, Doctrina: JESUS hoc nomen, super regias dignitates
omni modo, omni cultu, venerandum, colendum, honorandum
nominandum esse. Ita conceptum confirmat mellifluus Doctor:
*Ipsò acclamante nomine IESU procidentes adoraverunt, veneran-
tur ut Deum, Regem simul agnoscunt, ex nomine, & corona.*

CONCEPTUS VI.

Postquam Salvator noster in crucem affixus agonizans expira-
ret, cœli firmamentum, & terræ elementa, ad reverentiam, ad
cultum, ad honorem specialem, se accingunt, & præparant, sol ob-
scuratur, quasi ex reverentia luctum induit, terra tremit, petra
scinduntur, ex metu reverentiali, infernus honorat, dum anima
in illis tenebris reclusas, luci restituit, ut ad corpora sua redeun-
tes honorificum deferant famulatum, & obsequia: ita texus
Multa corpora Sanctorum, qua dormierant, surrexerunt; Latro ho-
norat in cruce agonizantem, Regem & Dominum Paradisi agno-
scens & invocans: *Domine memento mei, dum veneris in Regnum
tuum.* Centurio miles honorat Dei Filium clarâ voce depreedi-
cans: *Verè filius Dei erat iste:* Plebs antea in juriosa, nunc reve-
etur, & honorat: *Revertebantur percutientes pectora sua.* Qua-
ro

ro ego, coeli firmamentum, terræ elementa, ac creaturas quid commovet, quid rapit ad tam subitam reverentiam, cultum, & honorem? advertite: Nomen JESUS tunc super caput morientis affixum erat: & ad nomen JESUS eclipsatur sol, solem justitiae JESUM reveretur; ad hoc lucidum nomen se tenebras esse opere profitetur. Tremit terra, nomini JESU homagium præstat. Inferni sinus aperitur, nomini JESU supremum Dominium designat. Latro in cruce, Centurio miles, numerosa plebs, excellentiæ & honoris titulos deprædicant, Divinitatem, & Majestatem super universa Regna, & Imperia nomini JESU adscribunt nobis in documentum; omni honore, cultu, & reverentia nomen JESUS ab omni creatura nominandum, colendum, venerandum esse.

Hortor ergo omnes cum S. Thoma Aquinate serm. de circumc. honoremus omni reverentia hoc sacrum nomen JESUS, dum non minamus caput denudando, corpus curvando, genua flectendo: *Epilogus.*
ut nos peccatores justificet, justos lætificet, tentatos adjuvet,
omnes nos nomini JESU devotos æternum
salvet. Amen.



P IN



IN CIRCUMCISIONE DOMINI.

CONCIO SECUNDA.

Textus. *Et vocatum est nomen ejus JESUS,* Lucæ cap.2.

Thema. Nomen JESU devotè , ac reverenter pronunciantibus , invocantibus, colentibus; ad temporalem felicitatem , ac æternam salutem utilissimum est.

Exordium. Alomon Proverbiorum cap. 16. affirmat: *Eruditus in verbo , reperiet bonum.* Illud verbum, est dulcissimum nomen JESUS, uti omnes Sacrae Scripturæ Patres interpretantur. Eruditè , devotè , reverenter qui hoc nomen JESU profert, inclamat, invocat , reperiet bonum temporalis felicitatis , & æternæ beatitudinis : Probemus assumptum Sacrae Scripturæ textibus: *Amen, Amen dico vobis, quid petieritis Patrem in nomine meo;* dabit vobis, Joan. 17. promittit ipsa æterna Veritas. *In nomine tuo spernemus insurgentes in nobis:* canit David Psal. 43. *Turris fortissima nomen Domini;* Prov. 18. id est ; *Nomen Iesu:* inquit Cornelius à Lapide in hunc locum. *Non est aliud Nomen datum sub caelo, in quo oporteat nos salvos fieri.* Scriptum est Actor. cap.4. *Omnis enim, quicunque invocaverit nomen Domini, salvus erit.* Concludit S. Paulus ad Rom. cap. 10. Audiantur & Patres : *Omnia, quecumque Deus pro salute humana ordinavit , in nomine JESU comprehenduntur:* inquit S. Bernardus in Cantica. & iterum in Joannem: *Nomen JESU imploratum , nubilum omne diffugit, & reddit serenum.* & iterum neque tantum lux est nomen JESUS, sed est cibus : an non toties confortaris, quoties recordaris? *quid aquæ mentem cogitantis impinguat?*

Textus. *S. Scriptura.* *quid petieritis Patrem in nomine meo;* dabit vobis, Joan. 17. promittit ipsa æterna Veritas. *In nomine tuo spernemus insurgentes in nobis:* canit David Psal. 43. *Turris fortissima nomen Domini;* Prov. 18. id est ; *Nomen Iesu:* inquit Cornelius à Lapide in hunc locum. *Non est aliud Nomen datum sub caelo, in quo oporteat nos salvos fieri.* Scriptum est Actor. cap.4. *Omnis enim, quicunque invocaverit nomen Domini, salvus erit.* Concludit S. Paulus ad Rom.

Patres : cap. 10. Audiantur & Patres : *Omnia, quecumque Deus pro salute humana ordinavit , in nomine JESU comprehenduntur:* inquit S. Bernardus in Cantica. & iterum in Joannem: *Nomen JESU imploratum , nubilum omne diffugit, & reddit serenum.* & iterum neque tantum lux est nomen JESUS, sed est cibus : an non toties confortaris, quoties recordaris? *quid aquæ mentem cogitantis impinguat?*

pinguat? quid ita exercitatos reparat sensus, virtutes roborat, vegetat mores bonos, atque honestos, castas fovet affectiones? Nomen IESU omne malum propellit, & omne bonum invehit, scribit S. Chrysostomus, unde subdit in Psalm 110. Per nomen IESU con- s. Chrysosto- versus est orbis, Tyrannis devicta, Diabolus conculcatus, cali aper- mui, & nos regenerati sumus: illud nomen si habuerimus splendidi erimus. Illud Martyres facit, & Confessores. Per pulchrè Origenes, Origenes. præf. in Joannem: Non solum unum bonum IESUS, sed omnia bo- na: vita bonum est, IESUS est vita: Joannis cap. 11. Resurrectio bonum est, IESUS est resurrectio; lux mundi bonum est, IESUS est lux Mundi. Joan. cap. 1. Concludit tandem Origenes: Nomen IESU omnium benedictionum fons est & omnium causa gratiarum. Consolatissimè scribit S. Bernardinus Senensis: Tom. 1. serm. 41. S. Bernardi- in Lucam: Quicunque scelestissimus peccator debite invocaverit nus Senensis. in ultimo vite nomen IESU, salvabitur, juxta illud Joëlis 2. qui cunque invocaverit nomen Domini, salvus erit. Unde horratur prædictus Sanctus: Qui enim cælum ascendere desiderat, hoc no- men IESU invocet. Divinâ gratiâ invocata, desuper Conceptus pandam,

CONCEPTUS I.

Confirmatio

Propheta Habacuc cap. 3. prædictit, quām miserabile tempus ven- turum sit, in quo Judæi rerum omniū penuriam summam patientur: Ficus non florebit, & non erit germen in vineis. Mentietur opus O- live; & arva non afferent cibum. Abscindetur de Ovili pecus, & non erit armentum in præsepibus. Propheta misertus calamita- tem, remedium præscribit, quo rerum penuria avertatur, fructu- um ubertas, & abundantia, verbo, omnis de coelo benedictio, & prosperitas inducatur; quale putatis præscribit medium? fors se- dulam agrorum & vinearum culturam, indesinentes ruri labo- res? non hæc tantum, sed ferventem ac devotam S. Nominis JESU invocationem: Exultabo in Deo IESU meo; quasi diceret: ad devo-

P 2

devotam, ac reverentem nominis JESU invocationem, venit fructuum ubertas, rerum temporalium abundantia, prosperitas, & Dei benedictio; dives messis, & vindemia: Confirmat S. Chrysostomus hom. 9. epist. ad Colos. *Ubiunque fuerit nomen JESU, ibi omnia sunt prospera, & prospere omnia succedunt, ubiunque ad ditum fuerit hoc nomen, cuncta erunt secunda; si Demones ejus, si mortes abigit, multo magis rerum prosperitates efficit.* Discursu fors charitati sue placito Conceptum confirmo.

CONCEPTUS II.

Elegit DEUS Moysen Ducem Israelitici populi, qui ex Aegypto numerosam eduxit cohortem, eq; multis annis in deserta eremo praefuit, ait plane in terram illam electam, fructibus abundantem, opibus divitem, fluentem lacte, & melle, non introduxit, sed ordinavit providentia divina alium virum, Ducem Josue, qui filios Israël in illas deliciarum terras, Judæos victoriosa manu introduceret, cur recte Ducem Josue? S. Ambrosius in librum Josie scribit: *JESUM Nave, nominis sacri JESU similitudinem servavit.* Litteras enim, Josue nominis, si transponas, invenies Josue idem sonare quam: O JESU! Josue O JESU! ordinavit ergo DEUS ducem, qui populum Israëlem in terram illam electam introduceret, qui aspirando, invocando nomen JESU, Josue, O JESU, signaret, & exprimeret: in documentum: pia, devota nominis JESU invocationis agros & vineas reddit fertiles, patriam felicem, familias prosperatibus, & DEI benedictionibus abundantes, lacte, & melle saturatum, affluentes. Audiatur S. Basilii Seleuciensis: Oratione 43: *Stetisti quondam sol victoriam Hebreorum præstolatus, JESU Ducem imperantem veritus es: Domini nomen in conseruo tuobh norasti.* Gratiori fors auribus vestris discursu argumentum prosequor.

CON-

CONCEPTUS III.

Angelus, Dei nuncius, monet Christi nutricium, S. Josephum. Matth. cap. 2. *Accipe puerum, &c. & fuge in Aegyptum.* O Angele Dei, cur non pariter mones Josephum, ut ad longum iter, vitæ necessarium commeatum provideat, ac deferat; de anno na non monet Angelus, sed unicè præcipit: *Accipe puerum,* quem gratiosum puerum, Angelus antea jam, & prius jussit vocari JESUM, *Vocabu nomen ejus JESUM* Matth. 1. O quoties blando vultu, corpore undequaque ad reverentiam composito, JESUM Josephus nominando invocaverit, invocando duplicaverit! O JESU mi! O Jesule mi! Josephum ergo, quem præviderat Angelus, quia sæpius devotè ac reverenter JESU nomen citabit, repetet, invocabit; non monet Angelus ad longam deserti viam, de annonâ prospiciat; viætus necessaria secum deferat, cum nomen JESU sacratissimum, devotè ac reverenter toties nominando, invocando, per consequens aderit omnis terra fertilitas, prosperitas, abundantia, benedictio. Per pulchritudine scribit S. Chrysostomus hom. 78. in Epistolam S. Joannis cap. 16. ubi interrogat: *Quid significat: me non rogabitis?* respondet Sanctus: *Voluit dicere: non indigebitis me advocato, sed nominis mei invocatio satis erit ad omnia consequenda:* Ostendit nominis JESU potestarem, si quidem neque visus, neque rogatus, sed appellatus tantum, apud Patrem mirabiles reddit. Hoc indicare voluit sponsa in Cantico de sposo animarum nostrarum C H R I S T O J E S U dicens:

CONCEPTUS IV.

Oleum effusum nomen tuum: Cant. cap. 1. id est glossatur S. Bernardus serm. 15. in Cantica, *Nomen JESUS*, nomen JESUS, cur quæso oleo comparat? Oleo lemmatis loco subscribo: *impinguat,* & alit: oleum effusum Nomen JESU, nempe hoc Sacratissimum nomen piè nominantibus, invocantibus, pinguedo est temporaliū bonorum, nutrimentum, affluentia necessariorum ad vi-

Etum & amictum, per pulchre desuper Origenes præfatione in Joannem: *Nomen IESI omnium benedictionum fons est, & omnium causa gratiarum.* Epigrammate ornatissimo Nomen JESI, & temporaliter prosperrimum decantat Damasus Papa,

Jure pari regnat, communis conditor Aevi,
Et cum Patre piâ regnat sublimis in aevi,
Sidereo Sanctis insidit Numine regniS,
Unde mare, & terras solo videt omnia nutu
Suggerit humanis, & donat munera rebus,

Concludit conceptum Psalmista Regius: Ps. 30. *Propter Nomina
tuum enutries me.* Prodest ergo ad felicitatem terrestrem Nomen J E S U devotè invocatum; prodest & ad salutem æternam.

CONCEPTUS V.

Oleum effusum est nomen JESU: Oleum, Plinio teste, lib. cap. 103, dura mollefacit; obscura clarefacit, unde symboli loco subscribo: *Mitigat, & illuminat.* Præter experientiam naturalem, urinatores maris testes produco, hi dum mare durum, inquietum, sœvum, ac furens est, furenti mari guttas olei infundunt, ac sic spumantes procellas mitigant; turbidas depellunt nubes, lucis radios procurant. Oleo comparatur nomen J E S U, quia *mitigat, & illuminat*: mitigat furentem contra Deum animum; gratiæ supernæ lumine illustrat; exemplum sit S. Paulus, & Augustinus,

CONCEPTUS VI.

Ex Actis Apostolorum novimus cap. 9. Quanta ferocia spirans minarum, Saulus acceperit Principes Synagogæ, potestatem litteris confirmarent, ut Christianos perimere, interficere sibi liceret. In via totus mutatus ab illo, deponit sœvitiam animi, ferociam mentis exuit, jam non nocere, sed prodesse, non extirpare,

pare, sed ædificare fidem in Christum defiderat: *Domine, quid me vis facere.* Brevi illuminatissimus Doctor prædicat Christum per omnes Synagogas; verificatum h̄c est symbolum nostrum: *Mitigat & illuminat.* Quid adeò mitigavit, illuminavit cœcè errantem? mitigavit, illuminavit toties piè repetitum Nomen JESUS. Legite epistolas S. Pauli, & ut Genebrardus lib. 3. Chronicorum numerat, quingenties piè repetitum nomen JESUS invenietis. Desuper Bernardus serm. 18. in Cantica: *Portabat Apostolus nomen JESU tanquam lumen, & illuminabat mundum, & monstrabat omnibus lucernam super candelabrum annuncians omni loco nomen JESU.* Augustinum legerimus, quām immundum & turbidum mare fuerit, perversus Manichæus, errans haereticus, factus est fidelissimus veræ Ecclesiæ defensor, illuminatissimus Doctor Doctorum, causalem reconciliationis, & illuminationis ipse Sanctus lib. 3. Confess. cap. 4. afferit: *Hoc nomen Salvatoris mei JESU tenerum cor meum piè biberat, & altè retinebat, & quidquid sine hoc nomine fuisset, quamvis litteratum & expolitum, & veridicum, non me totum rapiebat.*

CONCEPTUS VII.

Audivimus Saulum, & Augustinum induratos licet peccatores, tamen illuminatos tandem divinâ gratiâ Ecclesiac Doctores, & fideles Christi amicos evaluisse: hinc mirum, quod Judas Iscariotes in malitia sua induratus finaliter permanserit, & sic æternum perierit. Quæ est causa, quod Judas non fuerit ad pœnitentiam deductus, ac commotus? causam eruit Euthymius ex cap. 26. Matthei: Hic legere est, sceleratum Judam magistrum suum perfidis Judæis triginta argenteis vendidisse: *Quid vultis mihi dare, & ego eum vobis tradam?* in horto obviam procedit Salvatori, eum salutans: *Ave Rabbi!* Notate, Sacratissimo nomine JESUS, Magistrum non intitulat, dixisset, pronunciasset nomen JESUS, Ego JESUM vobis tradam; Ave JESU, nemo dubitat, ut olim Saulus! ut Augustinus, illuminatus, compunctus factus fuisset ad veram contritionem, ad sinceram emendationem, juxta promissa, verbis Ioe-lis Prophetæ, *omnis, qui invocaverit Nomen Domini, salvus erit.* cap. 2. Confirmo assertum Parabolâ Matth. cap. 25.

CON.

CONCEPTUS VIII.

Inaudierunt Virgines fatuæ: *Amen amen dico vobis, nescio vos cur nescit?* cur excludit à regno cœlorum? causalem cicit sacer textus: *Non habuerunt oleum secum.* Nomen JESUS oleum effusum est, didici ex Bernardo serm. 15. in Cantic. non habuerunt oleum secum, idem, quod JESU nomen non invocarunt: dixerunt; Domine Domine, & non mitigarunt Sponsum, clamassent; JESU! JESU! aperte nobis, commovissent, ut illuminatæ ad poenitentiam, portam, & introitum ad regnum cœlestè aperuisset. Ita docent mulieres illæ Isaiæ cap. 4. *Tantummodo invocetur nomen tuum super nos,* id est, JESUS, inquit glossa interlinearis, quia, ut concludit Bernardus *hoc nomen JESUS imploratum lucet.* Lucet, inquam, & illuminat ad salutem spiritualem. Agnoverat hoc pius Jacobus, de quo liber Genes. cap. 47.

CONCEPTUS IX.

Ad agonem perveniens Patriarcha Jacob, à filio Prorege Egypti, Josepho, invisitur, ac blandè consolatur, advertens bona senectio præsentiam Joseph filii sui, inquit sacer textus: *Adoravit Israel summitem Virgæ ejus, virgæ nempè, seu sceptri* quod Joseph quâ Prorex, manu tenebat. Cur adoravit summitem Virgæ? scie dum: Ægypti Reges in summitate sceptri, quale Joseph in manus tulerat, exaratum & sculptum deportabant nomen Jehova, nomen Dei, unde S. Joannes Damascenus lib. 4. fid. c. 4. per virgam Iosephi intelligit crucem Christi, in cuius summitate scriptum est dulcissimum nomen JESUS: Adoravit ergo Israel summitem Virgæ, invocavit, honoravit Dei nomen, nomen JESUS; edocens omnes Christianum, Nomen JESUS piè invocare, nominare in agone mortis, maxime mitigare Deum ad misericordiam, illuminare hominem ad contritionem, & dolorem, sicquè disponere felicem horam mortis, & post hanc patentem introitum ad regnum æternum; ita Bernardus: *Neque tantum lux est nomen JESUS, sed est cibus, anoties confortaris, quoties recordaris, quid aquæ mentem cogitamus impinguat, quid ita excitatos reparat JESUS, virtutes roboret, et getat bonos mores atque honestos, castas fovet affectiones.*

CON

CONCEPTUS X.

Moriens in cruce Christus, super caput suum affixum volebat pendere titulum nominis JESU: *JESUS Nazarenus, &c.* Joan. cap. 19. cur recte supra caput? Caput scuto tegitur, sic totum corpus, omnia membra muniuntur, custodiuntur; Caput nostrum Christus est, nos membra in Christo, Nomen JESUS scutum est inexpugnabile, hoc scutum super caput suum affixum voluit Christus: significans nutu, inclinato inquam capite, quod moriens nequit amplius verbis eloqui: sub nomine JESU piè invocato, nominato, nos membra, fideles Christianos, maximè in hora mortis, ut scuto, quām optimè contra hostes visibles, & invisibles muniri, custodiri, ut cum Capite nostro JESU morientes, & eternitatem felicem consequamur: ita perorat os aureū in catena: *Sicut in trophyo littera ponuntur, victoriam offendentes:* & iterum hom. 5. in Lucam: *Nomen JESUS super crucis summittatem fulgurans, lumen ac salutem morituro impertinatur, ad hoc enim nomen JESUS contremiscunt & horrescant Demones.* S. Petrus Actorum cap. 4. concludit: *Nec enim aliud Nomen datum est sub caelo, in quo oportet nos salvos fieri.*

Hortor ergo omnes fideles Christianos, cum S. Apostolo Paulo *Epilogus.*
ad Colos. cap. 3. *Omne, quodcunque facit in verbo aut opere, omnia in nomine Domini nostri JESU CHRISTI, gratias agentes Deo, & Patri per ipsum.*
Amen.



Q

IN

IN CIRCUMCISIONE DOMINI.

CONCIO TERTIA.

Textus. *Vocatum est nomen ejus JESUS*, Luc. cap. 2.

Thema. **Nomen JESUS**, irreverenter, frivolè in vanum nominare; à Deo graviter punitur.

Exordium.

DE Alexandro Magno legitur, militem indignè nomen Alexandri ferentem, acerbius habuisse, & expiâle; quis explicet, quām rigidè Deus illos habeat, qui sacrum nōmen JESUS, in vanum, frivolè, irreverenter habent, nominant, & abutuntur? audiamus comminatorem Sacram Scripturam:

Textus Sacrae Script. *Non assumes Nomen Domini Dei tui in vanum, non enim insontem habebit Deus eum, qui assumpserit Nomen Dei sui frustra.* Exodi cap. 20. *Non usurabis Nomen Dei frustra, quia non erit impunitus, qui super re vana nomen ejus assumpserit.* Deuter. cap. 5. *Si homo maledixerit Deum, peccatum accipiet, si autem nominat nomen Domini, morte morietur.* Levitici cap. 24. ex his textibus apparet, magnum esse peccatum, nomen Domini, quod est JESUS, vanè, & frivolè nominare, cum graves propterea poenas Deus comminetur. Audiamus & Patres: *Majus peccatum est accipere nomen JESUS in vanum, quām nomen istud Deus, quia Ecclesia communis, & laudabilis consuetudo, magis honorat istud nomen JESUS, quām nomen Deus, unde auditio nomine JESUS, devoti fideles a caput inclinant, aut genu flectunt, quod non faciunt audito nomine Deus, qui ergo contra hoc offendit, dehonoroando nomen JESUS, magis peccat, quām si dehonoroaret nomen Deus.* Ita Abulensis in cap. 20. Exodi. Non est, non est hoc peccato deterius, sed neque parnam in eo accessio omnium malorum est, omnisque confusio, inexpibile supplicium, intolerabilis pena. Scribit S. Chrysostomus tom. 1. & 2. de fato, & divina Providentia. *Nihil est, quod animum nostrum magis exulceret, & confodiat, quām quod sanctissimum Dei,* &

Patres.

Abulensis.

S. Chrysost.

*Jesu Christi Domini nostri nomen, quod super omne nomen cœlestia
venerantur, terrestria adorant, inferna contremiscunt, passim pra-
vorum, effratorumque hominum vocibus scindi; ut minime miran-
dum sit, si à Christianis populis in tantis calamitatibus constitutis,
divina iracundia flagella non amoveantur. Ita perorat Julius Ter-
tius, bulla 23. Implorato Spiritus Sancti auxilio desuper Conce-
ptus producam,*

CONCEPTUS I.

Exodi 23. præcipit Deus; Angelum non esse vilipendendum;
Non contemnendum putes: causalem addit sacer textus: *Est nomen
meum in illo*: desuper discursum formo: Si Angeli non sunt
contemnendi, quia in illis est invenire nomen Dei: Michael
enim dicitur: *Quis ut Deus?* Gabriel: fortitudo Dei; Ra-
phaël, medicina Dei; quanto minus ipsum in specie sacratissimum
Nomen JESUS est vilipendendum, aut contemnendum? Ast
quando nomen JESUS vanè, frivole, irreverenter, ad rem non
convenientem nominatur, pronunciatur, Nomen JESU vilipendi-
tur, contemnitur, ergo non ita vanè, frivole, irreverenter ad ca-
chinos, ad jocum, & res ludricas, sacratissimum hoc nomen JESUS
est assumendum, pronunciandum.

CONCEPTUS II.

Lucas cap. 4. narrat, Dæmonem ex homine obfesso clamasse:
Quid nobis & tibi JESU Nazarene, scio quis sis, Sanctus Dei. Ira-
tus desuper alias mansuetissimus Dominus, Dæmonem tacere jus-
sit: *obmutesce!* Videtur Sathan extollere, magnificare nomen san-
ctissimum JESUS, *J E S U - Nazarene! scio quis sis, sanctus Dei:* &
tamen irascitur, indignatur humilis Salvator, prohibet, ne ultrò
proferat, pronunciet Sacratissimum nomen J E S U S; *Obmutesce!*
cur hoc? Adverte: Sathan irreverenter habuit Nomen JESU:
Quid nobis & tibi? JESU, inquit, se ipsum prius, quam sacratissimum
nomen JESU nominat, se abjectissimum creaturarum altissimo no-
mini præfert, præponit; irreverenter ergo quia nomen JESU pro-
nun-



nunciavit; Christus redarguit: *Obmutesc. Irreverenter ergo vanè, frivolè, Nomen JESUS ad quamvis rem ludicram nominare, peccatum est, materia Deum offendens, ad iram & poenam provocans: agnoverunt hoc gentiles Poeta.*

CONCEPTUS III.

Fingunt Poëtæ, etiam Diis, si alios Condeos, vanè, frivolè, & viliter habuissent, in poenam, ad tempus nocte abstinendum fulisse: Indicare voluit gentilitas: Jovem, supremum Numen, summe advertere in irreverentiam Diis factam, illos vanè & viliter vocitando: Si in Diis punitur irreverentia, Condiis illata, quanto magis punietur in hominibus irreverentia, vero, ac unico Deo illata; alt nomen Dei, quod JESUS dicitur, vanè irreverenter pronunciare, est Deum vilipendere, contemnere, ergo vanè nomen JESUS ad res planè ludicas nominare graviter punietur: *Si aurem nominal Nomen Domini, morte moriatur.* Levitici: cap. 24. Noverat hoc uxor Jobi.

CONCEPTUS IV.

Ad Jobum undique afflictissimum inquit Mulier uxor: *Benedic Deo, & morere: cap. 2.* Viderat uxor, à planta pedis, usque ad verticem capitidis, Jobum maritum suum laniè infectum, leproso similem, sibi, & proximis intolerabilem, credit ergo mulier mortem Jobo beneficium futuram, quā miseriæ cumulatae finem dabunt, hinc benè quasi precatur Marito suo: *morere!* ut nempè desinat ha temporales miseriæ, & sic ex afflictionibus istis abripiatur. Jam auſcultate, quo medio utatur asluta mulier, ut Job citò moriatur; impvio malo abripiatur? *Benedic, inquit Deo, & morere.* Septuaginta interpres legunt: *Dis aliiquid verbum contra Deum, & morere,* nomen Dei, Jehova, JESUS, vanè, irreverenter nomina, & morere; mors repentina, casus fatalis, non emanebit. Credebant ergo Veterestimorati Dei cultores, quod etiam verbū contra Deum dicere, nomen sacratissimum Jehova, JESUS, vanè, irreverenter nominare, ad subitanam mortem, ad poenam gravissimam infligendam, ad casum quendam exitiale luendum sufficiat. in praxi vides.

CON-

CONCEPTUS V.

Narrat S. Joannes cap. 18. Ministros Judæorum, cum facibus, & laternis in hortum advenisse, ut mansuetum Agnum, Christum Dominum, caperent, & ligatum ad supplicium deducerent, ac crucifigerent. Dum Salvatori jam jam proximi adstarent, quasi eum manu tangere, abripere possent, quasi fulmine tacti, omnes interram prosternuntur, ut mortua cadavera, in terram concidunt: qua causa tam fatalis casus? dico causam fuisse irreverentem nominis Jesu pronunciationem; Interrogat eos mansuetus Agnus: *quem queritis?* Respondet præsens turma: *JESUM Nazarenum:* nomen sacrum sine honore debito, & reverentia, sine capit is denudatione, sine corporis curvatione, sine genu flexione, vanè, frivolè, petulanter pronunciant, & ecederunt in terram, corruunt quasi exanimes. Documentum nobis sit: irreverenter, vanè, petulanter nomen Jesu nominare, certum post se casum temporalis poenæ, utinam non etiam damnationis æternæ, post se trahit. S. Chrysostomus in caput 18. Joannis scribit: *Scit demon concedi ei ulcisci illos, quos nominis Jesu illusores fecerat.* Audite eventum.

CONCEPTUS VI.

Audierant filii Scevæ Principis Sacerdotum, Petrum Apostolum, in nomine Jesu, claudum illum, ad portam Templi Salomonis, rectum, & sanum fecisse, viderunt cœteros Apostolos solo nominis Jesu invocatione ab obfessis, immundos Spiritus ejecisse; hi filii Scevæ offendunt unum miserum à Dæmone obfessum, utuntur ergo modo exorcizandi Apostolico; ut Apostolos viderant, & audierant facere, & ipsi faciunt, in nomine Jesu diabolum egredi è corpore obfessi jubent: *Adjuro vos per JESUM, quem Paulus predicavit,* inquirunt, Act. cap. 19. Audite quid contigerit: *Contra quos invluit dæmon, ita ut nudi, & vulnerati effugerent de domo illa.* Dæmon ex obfesso in illos exorcizantes irruit, vestes de corpore dilaceravit, planè vulnerabat, dilaniabat; *Quæ est causa, quod invocatio nominis Jesu adeò male cedat his Scevæ filiis? causa est;* quia irreverenter, vanè, petulanter, hoc nomen Jesus no-

Q. 3

mina-

minabant, quod ex subsequenti textu colligitur: *Magnificabatur nomen Domini Iesu*: post hunc actum magnificabatur, ergo antea petulanter, contemptim, sine honore, sine reverentia, habitum est Nomen Jesus; Cavete Christiani; si ultus est Deus irreverentiam nominis Iesu etiam a non creditibus illatam, quantò magis ulciscetur in Christianos, si lingua minus modesta reverenti, hoc sacratissimum nomen nominant.

Epilogus.

Hortor ergo omnes Christianos cum Moysi Exodi 20. Non *assumes nomen Domini in vanum, non enim in sonem habebit DEUS eum, qui assumperit nomen DEI sui frustra*
Amen.

